

Abeha


E abeha ta bula di flor pa flor

Cas di Abeha

Abehanan ta biba hunto den cas. Den un cas por tin mas o menos 50.000 pa 60.000 Abeha. Den e cas tin e Abeha muher (Abeha Trahado), Abeha Homber y un Abeha Reina.

Reina di cas

E reina su curpa ta mas largo. E tin un pui pa defende su mes. E reina su pui ta mas largo cu e abeha muher y e no ta stret. E ta uza su pui solamente contra otro reina. E reina ta e abeha cu ta pone webo y e por biba te cu 7 año. E reina por pone 1000 pa 3000 webo pa dia. Ningun reina ta permiti pa un otro reina ta den su cas. Si esey ta sosode nan ta bringa picando otro te cu un muri. Un otro cos di abeha ta cu si tin mas cu un reina ta bay nace, esun cu nace prome lo pica tur e otronan mata prome cu nan nace.



E Abeha muher ta esun di un tamaño mas chikito. E cas mester di hopi trahado y nan ta haci e trabou di tanto paden y pafo di e cas. Nan trabou ta cuminsa for di ora nan nace. Nan bida ta cortico. Nan ta biba mas o menos 5 pa 6 siman. E abeha muher tin cabey riba su patanan patras. Den esaki eta warda e puiro di e flornan cu e bishita. E Abeha muher tambe tin su pui pa defende su mes, pero si e uza esaki e ta muri.



E abeha trahado

E abeha muhe ta traha duro. Cuminsando for di dia 1 pa 3 di su bida, eta haci limpi y e ta kibra y come e tapa di wax pa e sali.

4 pa 12 dia: E Abehanan cu ta bay nace eta cria nan cu honing y puiro for di e flornan. E reinanan ta haya cuminda special cu ta e ‘Royal Jelly’

Di 13 pa 17 dia: eta cuminsa traha e Wax.

Di 18-21 dia: Eta cuida e cas y eta percura pa ningun enemigo drenta (otro insecto).

Di 22 dia y te dia cu e muri eta busca e nectar pa traha honing y puiro di e flornan pa nan come. E nectar eta wante den su stoma y e puiro di flor na su patanan.

Abeha Homber

E abeha homber no ta traha asina hopi mescos cu e Abeha muher. E no tin un trabou y ta biba mas o menos 5 pa 6 siman. E ta wordo cria cu cuminda for di e Abeha muher te dia cu e brui cu e Abeha reina. Na momento cu e caba di brui cu e reina, e ta wordo cori for di cas y e lo muri di hamber.

Abeha ta bishita hopi flor



Abehanan ta haci un trabou hopi importante den naturalesa. Nan ta yuda tur mata y flor crece y pa tin mas flor y mata. Nan ta haci esey dor di yuda e mata y flor haya mas yiu. E trabou cu abeha ta haci yama polinisa. Polinisacion kier men e hibamento di polen (stuifmeel) di un mata pa un otro.

Tur mata mester di Abeha pa polonisa. Tin mas cu 369.000 especie di mata y flornan. Casi tur (90%) di nan ta depende di polonizacion di insecto. Un Abeha riba su mes por bishita entre 50

pa 1000 flor riba su ruta. Si un abeha ta haci diez viahe pa dia, di un colonia di 25.000 abeha e por poloniza 250miyon flor den un dia.

Abehanan ta hopi importante

Abehanan ta un tipo di especie hopi clave. Hopi bestia ta depende di e abeha pa nan biba y sobrebibli debi cu nan fuente di alimento incuyendo nuts, diferente fruta y simia ta depende di polonizacion di insecto.

E Abeha ta un polinisado mescos cu barbuletnan, parhananan y raton di anochi. Tur e especienan aki, algun protegi y otronan no protegi, ta bou menasa di actividadnan humano y p'eseys nan cantidad ta bahando drasticamente. Ta hende ta haci cos cu ta stroba e abeha pa sobrebibli.

Abeha ta hopi importante pa nos naturalesa pesey tin un '**Dia mundial di Abeha**' (World Bee Day), dia **20 di mei**. Riba e dia ta corda tur hende cu nos mester cuida abeha y nan cas.

Abeha den peliger

Algun di e peligernan cu abeha ta enfrenta cu ta causa cu nan cantidad ta baha ta: uzo di pesticida no biologico, malesanan cu ta afecta especienan, perdida di habitat y temperatura mas halto debi na cambio di clima. Tur esakinan ta actividadnan di hende cu ta forma menasa pa poblacion di abeha.

Kico nos por haci pa yuda e abehanan?:

- Planta mas mata, mata cu ta haya flor
- Cumpra honing di Aruba
- Evita uzo di pesticida den cura
- Proteha casnan di abeha
- Consulta un imker (criador di abeha) pa haya sa mas di cuido di abeha
- Aporta mas na conscientisacion. Comparti e informacion manera esun aki cu comunidad.

Directie Natuur & Milieu ta haci un yamada riba cada un di nos pa **NO** mata of fumiga grupo di abeha. Por yama un imker cu ta bin busca y ta coy e abehanan den cahanan asina crea produccion local di honing pa bende.

Awor bo ta mas consciente di con importante un Abeha ta. Cuida nan.

Fuente: [Directie Natuur & Milieu Aruba](#)

Directie Natuur en Milieu
May 20, 2021 · 

...

Awe ta dia mundial di Abeha  . E dia ta wordo observa desde aña 2018, Nacionan Uni a wak e importacia di preservacion di abehanan pa e locual nan ta hasi pa mayoria ecosisteman. **Abo sa kico pa hasi ora cu bo topa cu un neishi of un grupo di abeha ??** Lesa mas, click;

<https://bit.ly/2RrKyRM>

foto cortesia: Yesenia Arends

[See Translation](#)

BE RESPONSIBLE

DO NOT HARM THE BEES

"One can no more approach people without love than one can approach bees without care. Such is the quality of bees..."

— Leo Tolstoy



[DNMARUBA.ORG](#)